

ওলে আদৃত হইবেক, তাহা এই মহাত্মার নাম ব্যক্তি  
মাত্রেই সন্তোষে জাগরুকশ্রীকা উচিত। ক্রিয়ৎক্ষণ  
তর্ক বিতর্ক হইলে পের তিনি সমাগত পুরবাসিদিগকে  
সম্বোধন করিয়া কহিলেন, বাঙ্কব গণ! যে আপন প্রাণ  
পর্যন্ত সমর্পণ করিয়াও এই পরম রমণীয় নগরের রক্ষা  
বিষয়ে আত্মকুল্য করিবেক, সে জগদীশ্বরের অতুগ্রহ পাত্র  
ও স্বদেশের আদরণীয় হইবেক, সন্দেহ নাই। আমি  
স্বীকার করিতেছি, ইংলণ্ডেশ্বরকে নগরের নিষ্কয় স্বরূপ  
আপন মন্তক প্রদান করিব। এই বাক্য শ্রবণে মুগ্ধ ও  
চমৎকৃত হইয়া সকলেই অশ্রুপূর্ণ লোচনে গদগদ বচনে  
ধন্যবাদ প্রদান করিতে লাগিল।

সেন্ট পিয়রের এই অসাধারণ আত্ম সমর্পণোদ্যম  
দেখিয়া আর পাঁচ জন মহাত্ম্যাব প্রধান পুরবাসীও  
তঁহার দৃষ্টান্তের অনুবর্তী হইলেন। এডওয়ার্ড যে রূপ  
নির্দেশ করিয়াছিলেন, ইঁহারা ছয় জনে অবিলম্বে সেই  
প্রকার হীন বেশ ধারণ করিলেন। কিন্তু ঈদৃশ কার্য্যাত্ম-  
রোধে এই হীন বেশ মহাত্ম্য রাজপরিষদ অপেক্ষাও  
অধিক শোভাকর ও অধিক প্রশংসনীয়। তঁহারা এড-  
ওয়ার্ডের নিকট উপস্থিত হইয়া স্বদেশের নিষ্কয় স্বরূপ  
আত্ম সমর্পণ করিলেন। রাজা তঁহাদিগকে নিরীক্ষণ  
করিয়া ক্রোধভরে যথেষ্ট তিরস্কার করিয়া কহিলেন,  
তোমরা স্বরায় পরাজয় স্বীকার কর নাই, এই নিমিত্তই  
আমার এত সৈন্য বিনষ্ট হইয়াছে। এই বলিয়া অবি-  
লম্বে তঁহাদিগের শিরশ্ছেদন করিতে আদেশ প্রদান  
করিলেন। সর্ ওয়াল্টার গ্যানি প্রভৃতি বহুসংখ্যক সন্তান্ত

## কবিতালহরী ।

বহরমপুর নিবাসী

শ্রীরামদাস সেন

প্রণীত।

"Blessings be with them, and eternal praise,  
The poets, who on earth have made us heirs,  
Of truth, and pure delight, by heavenly lays."

WORDSWORTH.

"মনের উদ্যান-মাঝে, কুঞ্জের সুর  
কবিতা-কুহুম-রত্ন!"

মাইকেল মধুসূদন দত্ত।

কলিকাতা।

শ্রীযুক্ত ঈশ্বরচন্দ্র বসু কোং বহুবাজারস্থ ১৭২ সংখ্যক  
ভবনে ক্যানহোপ্ যন্ত্রে মুদ্রিত।

সন ১২৭৪ সাল।

ওলে আদৃত হইবেক, তাহা এই মহাত্মার নাম ব্যক্তি  
মাত্রেরই সমস্তই জাগরুক শ্রীকর্তা উচিত। কিয়ৎকণ  
তর্ক বিতর্ক হইলে পর তিনি সমাগত পুরবাসিদিগকে  
সম্বোধন করিয়া কহিলেন, বাজব গণ! যে আপন প্রাণ  
পর্যন্ত সমর্পণ করিয়াও এই পরম রমণীয় নগরের রক্ষা  
বিষয়ে আত্মকুল্য করিবেক, সে জগদীশ্বরের অতুল্য পাত্র  
ও স্বদেশের আদরণীয় হইবেক, সন্দেহ নাই। আমি  
স্বীকার করিতেছি, ইংলণ্ডেশ্বরের নগরের নিষ্কয় স্বরূপ  
আপন মস্তক প্রদান করিব। এই বাক্য শ্রবণে মুগ্ধ ও  
চমৎকৃত হইয়া সকলেই অশ্রুপূর্ণ লোচনে গদগদ বচনে  
ধন্যবাদ প্রদান করিতে লাগিল।

সেন্ট পিটারের এই অসাধারণ আত্ম সমর্পণোদ্যম  
দেখিয়া আর পাঁচ জন মহাত্ম্য প্রাধান পুরবাসীও  
তঁহার দৃষ্টান্তের অনুবর্তী হইলেন। এডওয়ার্ড যে রূপ  
নির্দেশ করিয়াছিলেন, ইঁহারা ছয় জনে অবিলম্বে সেই  
প্রকার হীন বেশ ধারণ করিলেন। কিন্তু ঈদৃশ কার্য্যায়-  
রোধে এই হীন বেশ মহামূল্য রাজপরিচ্ছদ অপেক্ষাও  
অধিক শ্রোতাকর ও অধিক প্রশংসনীয়। তঁহারা এড-  
ওয়ার্ডের নিকট উপস্থিত হইয়া স্বদেশের নিষ্কয় স্বরূপ  
আত্ম সমর্পণ করিলেন। রাজা তঁহাদিগকে নিরীক্ষণ  
করিয়া ক্রোধভরে যথেষ্ট তিরস্কার করিয়া কহিলেন,  
তোমরা স্বরায় পরাজয় স্বীকার কর নাই, এই নিমিত্তই  
আমার এত মৈন্য বিনষ্ট হইয়াছে। এই বলিয়া অবি-  
লম্বে তঁহাদিগের শিরশ্ছেদন করিতে আদেশ প্রদান  
করিলেন। সর্ ওয়াল্টার ম্যানি প্রভৃতি বহুসংখ্যক সন্তান

## কবিতালহরী ।

বহুবন্দুর নিবাসী

শ্রীরামদাস সেন

প্রণীত।

"Blessings be with them, and eternal praise,  
The poets, who on earth have made us heirs,  
Of truth, and pure delight, by heavenly lays."

WORDSWORTH.

"মনের উদ্যান-মাঝে, কুহুমের গুর  
কবিতা-কুহুম-রত্ন!"

মাইকেল মধুসূদন দত্ত।

কলিকাতা।

শ্রীযুক্ত ঈশ্বরচন্দ্র বসু কোং বহুবাজারস্থ ১৭২ সংখ্যক  
ভবনে ক্যান্‌হোপ্‌ যন্ত্রে মুদ্রিত।

সন ১২৭৪ সাল।

মৎকর্ষক এই পুস্তকের অধিকাংশ কবিতা ইতিপূর্বে  
প্রভাকর, সোমপ্রকাশ, বিশ্বমনোরঞ্জন, ভারতরঞ্জন  
গ্রামবার্তা প্রকাশিকা ও বিদ্যোমতি সাধিনী পত্রি-  
কায় প্রকাশিত হইয়াছিল ইতি।

রা, দা, সেন।

### নির্ঘণ্টপত্র।

	পৃষ্ঠা।
ঈশ্বর স্তোত্র, ... ..	১
নিশীথ সময়ে পরিভ্রমণ ও চিন্তা, ... ..	৪
বীর্যবতী হিন্দু নারী, ... ..	৮
তুষারাবৃত গিরি, ... ..	১০
বিপদাপন্ন যুবা, ... ..	১১
জনৈক ভারতবর্ষীয়ের বিলাপ, ... ..	১২
কোন নৃপের সাংসারিক সুখে বিরাগ প্রকাশ, ... ..	১৯
কবিবর মাইকেল মধুসূদন দত্ত, ... ..	২১
কপালকুণ্ডলা, ... ..	২২
পূর্ণিমা, ... ..	২৩
শোকাতুর বৃদ্ধের খেঁদ, ... ..	২৫
বসন্ত, ... ..	২৮
প্রেমিকার সংগীত, ... ..	৩১
দ্বিপ্রহর বেলায় ভাবুকের ভ্রমণ, ... ..	৩৩
সমস্যা পূরণ, ... ..	৩৫
আওরঙ্গজেবের স্বপ্ন দর্শন, ... ..	৩৭
বিপদান্ত গৃহস্থ পরিবার, ... ..	৩৯
ভগ্ন প্রাচীরোপরি চমৎকার শোভা, ... ..	৪২

	পৃষ্ঠা ।
সন্ধ্যাকালে ভাগীরথী দর্শন, ...	৪৩
সময়, ...	৪৫
দীলকরের কাঁরাগারে কোন কৃষকের খেদ, ...	৪৬
ভণ্ড তপস্বী, ...	৪৯
বন্ধু বিয়োগ, ...	৫০
চন্দ্র গ্রহণ, ...	৫১
মুন্দের দুর্গ, ...	৫২
পাদ্রি লং সাহেব, ...	৫৩
পাপীর খেদ, ...	৫৪
ভগবান শঙ্করচার্য্য, ...	৫৭
ঝড় বৃষ্টির পর, ...	৫৮
কাশীম বাজারের ধ্বংস ...	৫৯

## কবিতালহরী ।

### ঈশ্বরস্তোত্র ।

পরমেশ করুণা অধার,  
 সর্ব জনে সুরূপা তোমার,  
 কি নর অচল বাসী, কিম্বা হে ভোগবিনাসী,  
 সবে সম দেখে বিশ্বাধার । ১ ।  
 অতি ক্ষুদ্র-কীটানুচয়,  
 কিম্বা ভীম-দেহি-হস্তি-হয়,  
 সবাকেই সমরূপ, দেখে ওহে বিশ্বভূপ,  
 প্রকাশিলা করুণা অভয় । ২ ।  
 লইবারে কুমুম সুবাস,  
 নাসিকা দিয়াছ অবিনশ,  
 গ্রহণে যুগল কর, দিয়াছ হে মনোহর,  
 বাহে জীব পায় মনোল্লাস । ৩ ।



বিশ্বশোভা করিতে স্ফূর্ণ, . .  
 দিয়াছ হে যুগল নয়ন,  
 নিশির শিশির জল, রক্ষা হেতু সুকোমল,  
 কেশে শির করেছ শোভন। ৪।

অন্ন তিত্ত মিষ্ট আদি রস,  
 আশ্বাদিতে জিহ্বা সুসরস,  
 শুনিতে শ্রবণদ্বয়, দিলে প্রভু দয়াময়,  
 তব গুণে বদ্ধ দিক দশ। ৫।

বিশ্বচক্রে ঘুরে অনিবার,  
 মাস তিথি ঋতু আদি ষার,  
 এক আসে এক যায়, পুন এক আসে হয়।  
 প্রভো তব করুণা অপার। ৬।

নিশানাথ হোল অস্তাগত,  
 মনোহর প্রভাত আগত,  
 কুঞ্জিল বিহঙ্গগণ, নব শোভা ধরে বন,  
 প্রস্থনে শোভিত তরু যত। ৭।

অম্বরে নূতন দিবাকর,  
 প্রকাশিয়া কিরণ নিকুর,  
 উজ্জ্বলিল দিক দশ, গাইল তোমার যশ,  
 সুরুতজ্ঞ নরের অন্তর। ৮।

দ্বিপ্রহরে উষ অর্ক-কর,  
 তরুলতা তপ্ত নিরন্তর,  
 শাখীর শাখায় পাখী, পক্ষ মাঝে চঞ্চু রাখি,  
 বিশ্রামের হোল অনুচর। ৯।

পুনঃ সমুদিত সন্ধ্যাকাল,  
 লুকাইয়া স্বকিরণ-জাল,  
 অস্তাগত হলো রবি, প্রকাশিয়া ম্লান ছবি,  
 উঠিল অম্বরে নিশাপাল। ১০।

ধরণী ধরিল নব বেশ,  
 পেয়ে পুন নূতন নরেশ,  
 সুধাংশু কিরণে যত, তরুলতা শত শত,  
 গৌভিত হইল সবিশেষ। ১১।

নম নম জগতের পতি,  
 প্রভু তুমি অগতির গতি,  
 গাইতে তোমার যশ, কবি মন অনলস,  
 কি লিখিব আমি মূঢ় মতি। ১২।

## নিশীথ সময়ে পবিত্র মন ও চিন্তা।

আহা! কিবা মনোহর নিশীথ সময়।

বর্ণিতে শ্রাবুক মন চল চল হয় ॥

বিগত হয়েছে দিবসের কোলাহল।

বিশ্রাম-শয্যাগ মগ্ন মানব সকল ॥

দিবসে যে স্থান ছিল জনতার স্থল।

ব্যবসায়ী ব্যস্ত যথা ছিল প্রতিপল ॥

এখন সে স্থানে শান্তি করেন বিরাজ।

লইয়া কেশমল অঙ্কে মানব সমাজ ॥

যেমন প্রস্থতি কোলে যত শিশুগণ।

নিদ্রাভরে রয় সবে হয়ে অচেতন ॥

তেমতি দেবীর কোলে জীব অগণন।

যুমে ঘোর হয়ে সবে আছে বিচেতন ॥

মানব মানস জলে চিন্তার তরঙ্গ।

এসময়ে নাহি বহে করিয়া বিরঙ্গ ॥

যোগীগণ যেইরূপ একতান মনে।

চক্ষু মুদি করে ধ্যান জগৎ কারণে ॥

সেই রূপ জীবগণ এমন সময়।

যেন ঈশ ভাবে সবে এই বোধ হয় ॥

কিন্তু এ সুখের কালে রূপণ নিচয়।

অতীব চঞ্চল ভাবে সদতই রয় ॥

চমকিত ভাবে গৃহে এ ধার ও ধার।

চোর ভয় তরে ফিরে দেখে অনিবার ॥

মূষিকের ধীর শব্দে তাহার পরাণ।

দেহ-গেহে নাহি থাকে পূর্বের সমান ॥

শয্যা হতে উঠিয়া সে তখন সত্বরে।

গণিয়া আপন ধন মনঃস্থির করে ॥

বনে হতে ফিরে আসি বিহঙ্গম চয়।

যেমন শাবক দেখি আনন্দেতে রয় ॥

যামিনীর আয়ু অর্দ্ধ হয়েছে বিগত।

উদিত নিশাথ নাথ রাজ্যেশ্বর মত ॥

রাজরাজেশ্বর সম অম্বর আসনে।

পারিষদ সম লয়ে তারা অগণনে ॥

করিছেন রাজকাজ রাজদণ্ড ধরি।

রাখিতে ঈশের মান অতি যত্ন করি ॥

মাগধ সমান পেঁচা মর্ত্যেতে বসিয়া।

গাইতেছে রাজ-বশ আনন্দে রসিয়া ॥

কিঁকিঁট রাগিনী ছাড়ি সবে এক স্বরে।

কিঁকিঁ পোকাগণ সকলেতে গান করে ॥

চকোর চকোরীগণ করি বহু ঠাট।  
 রাজার সম্মুখে আসি করে তারা নাট ॥  
 দিবসেতে ছিলা ম্লান কুমুদী, রূপসী।  
 এখন প্রফুল্ল হিয়া দেখিয়া হে শশি ॥  
 সরোবরাসনে বসি মেলিয়া নয়ন।  
 পতি প্রতি এক দৃষ্টি করে নিরীক্ষণ ॥  
 এবে পদ্মিনীর দুখ হয়েছে অশেষ।  
 নাহি সে পূর্কের আর মনোহর বেশ ॥  
 স্বামীর বিহনে যেন বসন্ত সময়ে।  
 রয়েছে বিধবা অতি দুঃখিত হৃদয়ে ॥  
 নাহি সেই মধুকর যেবা মধু-আশে।  
 সতত আসিত সুখে পদ্মিনী আবাসে ॥  
 কৌমুদী কিরণে চারিদিক শোভাকর।  
 কাহার না হয় দেখি আফ্লগদ অন্তর ॥  
 কৌমুদী আভায় উয় ভরে অন্ধকার।  
 কোঁপের মাঝেতে চাকে দেহ আপনার ॥  
 তরু গুল্ম সব শুভ্র করি নিরীক্ষণ।  
 যেন বনদেবী আজি উৎসবে মগন ॥  
 গন্ধরাজ মালিকা মালতী আদি করি।  
 এখন ফুটিছে কত ফুল আঁহা মরি ॥

তাহার সুরভি আঁহা অনিল বহনে।  
 সর্ব জীব নাসা তৃপ্ত করে প্রতিক্ষণে ॥  
 পাদপ পাতায় পড়ে নিশির শিশির।  
 ভাব ভরে যেন অশ্রু পড়ে প্রকৃতির ॥  
 সর্ সর্ শব্দ হয় পাতায় পাতায়।  
 স্বভাব যেন হে ধীরে ঙ্গ শ গুণ গায় ॥  
 এমত কালেতে আমি অতি ধীরে ধীরে।  
 উপস্থিত হইলাম ভাগীরথী তীরে ॥  
 সমীরণ ভরে দোলে তরঙ্গ নিচয়।  
 তাহে চন্দ্র কিরণ করয়ে শোভাময় ॥  
 গুপ্ গাপ্ টুপ্ টাপ্ করি মীনগণ।  
 জলের মাঝারে ক্রীড়া করে অগণন ॥  
 তরির উপরে বসি নাবিক সকলে।  
 হুঁকা লৈয়ে করে গায় সারি কুতূহলে ॥  
 অদূরে নগর হতে প্রহরী গর্জন।  
 থাকি থাকি এই কালে পূরিছে শ্রবণ ॥

কবিতালহরী।

কোন যবন নৃপ কোলাপুরের, এক  
বীর্যবতী হিন্দুরমণীর কন্যাকে বল  
প্রকাশ করিয়া হরণ করিতে স্থির-  
প্রতিজ্ঞ হওয়াতে ঐ নারীর পুত্রীর  
প্রতি উক্তি।

এই খরতর তরবার,

লহ প্রিয় উপহার।

কি দিব তোমারে স্নতা, তুমি বহু গুণযুতা,  
ইহা হতে শ্রেষ্ঠ পুরস্কার ॥

জ্ঞানহীন যবনকুমার,

নরাধম দুর্ভাচার।

বলবীর্যহীন দেহ, রহিত মমতা স্নেহ,  
পশু সঙ্গে তুলনা যাহার ॥

শিবজীর বংশে অবতরি,

মোরা মতেক সুন্দরী।

সতীত্ব অঙ্গের ভূষা, অরুণে শোভিতা উষা,  
যথা রয় ব্যোম আলো করি ॥

কবিতালহরী।

প্রাণাপেক্ষা মোরা কুলমান্ন,

করিছে অমূল্য জ্ঞান।

অপর পুরুষ কেহ, স্পর্শিতে না পারে দেহ,  
না সহিব কভু অপমান ॥

কর্মদেবী, পদ্মিনী সুন্দরী,

গেলা ভব পরিহারি।

রাখি এ ভবমাঝারে, কবিতা স্কুতাহারে,  
খ্যাতি সদা সমুজ্জ্বল করি ॥

ঐ প্রকার বীরাজনা সম,

কীর্তিফুল অনুপম।

ভব-উদ্যান-মাঝারে, সযতন ব্যারিধারে,  
জীবিত করিবে স্নতা মম ॥

সুপবিত্র রুধিরের স্রোত,

সাধিবে মঙ্গল ত্রিত।

তুফ হুয়ে দেবগণ, পরলোকে অনুক্ষণ,

প্রীতি সুধা বর্ষিবেন কত ॥



তুষারাবৃত গিরি ।

কি শোভা ধরেছে এবে এই গিরিবর ।  
 বিমল তুষারাবৃত সর্ব কলেবর ॥  
 যুমে ঢুল ঢুল যথা কৈলাসের পতি ।  
 রজত জিনিয়া কান্তি প্রকাশিছে ভাতি ॥  
 আকাশের সুপ্রশস্ত চন্দ্রাতপ তলে ।  
 গম্ভীর প্রকাণ্ড গিরি মূর্তি বলবলে ॥  
 পড়েছে তাহাতে বাল অরুণের ছটা ।  
 রজত কাঞ্চন উভরংয়ে করি ঘটা ॥  
 মুকুর ভ্রমিয়া সুর সুন্দরী নিকর ।  
 দেখিবে অদ্রির অঙ্গে আনন সুন্দর ॥  
 সমস্ত স্বভাব হেরি এ মূর্তি মহান ।  
 আঙ্লান্দে মগন হয়ে করিছে সম্মান ॥  
 আনিয়া প্রস্থনগন্ধ সুমন্দ পবন ।  
 অনুগত ভৃত্য সম করিছে ব্যজন ॥

বিপদাপন্ন যুবা ।

শীতে কম্পান্নিত দেহ,  
 ত্রিজগতে নাহি কেহ ।  
 আঁখি নিরন্তর, ঝরে ঝর ঝর,  
 রক্ষসুল হয় গেহ ॥  
 ছেঁড়া কাঁহা একটুক,  
 ঢাকিয়া রেখেছে বুক ।  
 গাত্রে উড়ে খড়ি, রোদ্দ তাপ পড়ি  
 মলিন হয়েছে মুখ ॥  
 চাঁচর চিকুর কেশ,  
 যাহাতে যত্ন অশেষ ।  
 এবে সেই চুল, হুইয়া বিপুল,  
 আচ্ছাদিছে পৃষ্ঠদেশ ॥  
 খেদেতে মলিন আঁখি,  
 স্থিরভাবে থাকি থাকি ।  
 কেঁদে উঠে প্রাণ, নাহি কোন স্থান,  
 তৃপ্তি হেতু মনোপাখি ॥

কে আছে এমন জন,  
করে হুখ বিমোচন।  
হেরে এই হুখ, সকলে বিমুখ,  
গতি মাত্র নিরঞ্জন ॥

আইসলগু দ্বীপের সমুদ্র উপকূলে  
দণ্ডায়মান জনৈক ভারতবর্ষীয়ের  
বিলাপ।

কোথা সেই সুমোহন ভূষণে ভূষিত,  
নানা অলঙ্কারে যথা মণ্ডিতা যোষিত।  
শ্যামল ধরণী গলে ফুল রত্নহার,  
প্রহ্মের কুঞ্জবন শোভা চমৎকার।  
পবন হিল্লোলে যথা প্রস্থনের বাস,  
অবিশ্রান্ত দশদিকে বহে বার মাসং  
নর পশু পক্ষী নাসা সদা তৃপ্তি করে,  
সন্তাপিরা মনোস্থখে যথা কাল হরে ॥  
কোথা সেই মনোহর আনন্দ ভবন,  
কোথা বা সে হাশ্বযুক্তপ্রকৃতি বদন।

প্রভাতে মাগধসম বিহঙ্গ সঙ্গীত,  
করিতে আনন্দনীর হৃদে উচ্ছলিত।  
শিশুরের বিন্দু হেরি দুর্বাদলোপরি,  
উপজিত কত সুখ আহা মরি মরি!  
কোথায় পৃথিবী প্রান্তে করিতেছি বাস,  
না পাব দেখিতে আর জনম আবাস।  
অভাগা মানব আমি! কত হুখ স্ন,  
জীবনে লইয়া হত কিরূপেতে রব।  
ভারতের সংখ্যাভীত নগর সুন্দর;  
“ভারতে” বর্ণন আছে যার বহুতর ॥  
পৃথিবীর সভ্যতার দৃষ্টান্তের স্থান।  
প্রজাচয় যথা সুখে তৃপ্ত করে প্রাণ ॥  
যথা চন্দ্র সূর্য্য বংশ নৃপতি নিকর,  
প্রজার পালনে খ্যাতি লভিলা বিস্তর ॥  
কোথা সেই সুরপুর অমর নগরী!  
কোথায় গোমতী গঙ্গা নদীর ঈশ্বরী!  
কোথা আমি কোথা সেই মনোহর দেশ।  
জীবমাত্র যথা নাহি সহে কষ্ট লেশ ॥  
বাণিজ্যের বাসনায় ছাড়ি নিজদেশ।  
পোত আরোহণে সঙ্কীর্ণ নানা ক্রেশ ॥

ভাঙ্গিল বর্ণিজ্য তরি—দৈবের ঘটন।  
 করি আমি এক খানি কাষ্ঠাবলম্বন—  
 বাঁচালেম বহুকষ্টে এছার পরাণ—  
 উতরি এদ্বীপকূলে, (বিভু দিলা স্থান)  
 আশ্রয় গিরিতে বেড়া মেখলা সমান।  
 এই ভয়ঙ্কর দ্বীপ দেখে উড়ে প্রাণ।  
 তুহিনে আবৃত ভূমি ধবল বরণ,  
 তৃণ, লতা, গুল্ম আদি না জন্মে কখন।  
 সদা ভূমিকম্পে মনে উপজয় ভয়,  
 বুঝি “পম্পিয়াই” সম হবে দেশ লয়।  
 ঝামার পর্বত কত শত ভয়ঙ্কর—  
 ভ্রমেনা যেখানে পশু বিহীন নিকর।  
 ভীষণ দর্শন কুর্ষ ভ্রমে কোন স্থানে,  
 দেখিলে উপজে শঙ্কা হঠাৎ পরাণে।  
 তিমি-তিমিঙ্গিল সিল, সমুদ্র মাঝারে  
 নিযুক্ত চঞ্চল চিতে কীটের আহ্বারে,  
 প্রকৃতির অতি প্রিয় ভূষণ সুন্দর।  
 প্রশ্ন সমাজে মান্য শোভার আকর—  
 শৈবালিনী—যাহা সদা দেবে বাঞ্ছা করে,  
 রাখিবারে বপুদেশে অতি যত্ন ভরে।

নাহি সেই সরোবর যথা এই ফুল,—  
 সৌরভ বিস্তারি ডাকে যত অলিকুল।  
 গুণগ্রাহী জন সনে যথা গুণিগণ,  
 যাইয়া হৃদয় তৃপ্ত করয় আপন।  
 কোথা আমি কোথা সেই প্রিয় পরিবার,  
 কোথায় কুমার তুল্য কুমার আমার।  
 চারুশীলা মধুর ভাষিণী জায়া সম/  
 এ সংসারে বন্ধু নাই যেই জন সম—  
 এখন কোথায় হায়! রহিলা সেজন  
 যাহার দর্শনে সদা সুখী হোত মন।  
 হা প্রভু! করুণা কর জগত ঈশ্বর!  
 কেমনে সহিব এই যাতনা বিস্তর?  
 জানি, তুমি সর্ব জনে কর দয়া দান—  
 তবে কেন এ যাতনা সহিছে পরাণ—  
 না-না, তব দোষ নাই আমি পাপী জন,  
 সে কারণে সহি এই দারুণ পীড়ন!  
 স্বভারের শোভাহীন ভীষণ এদেশ—  
 রহিয়া যথায় কত সহিতেছি ক্লেশ!  
 কোথায় সে অদ্রি-শ্রেষ্ঠ গিরি ছিন্নালয়,  
 কুঙ্কুম প্রশ্ন যথা প্রশ্নুটিত হয়।

কস্তুরী স্বর্গশাবক যথা সুখ ভরে  
 নব তৃণ খেয়ে ভ্রমে কন্দরে কন্দরে ।  
 তুবারে আয়ত শৈল চূড়া সদা রয়—  
 উপত্যকী দেশে শোভে বাল তৃণচয় ।  
 হলধর অঙ্গ যথা সুনীল বসন—  
 ধরয়ে অপূর্ব শোভা না হয় বর্ণন !  
 রবেণ্যেকে তুহিন করয়ে ঝকঝক,  
 হেন বুঝি একখানি রূপার স্তবক ॥  
 চন্দ্রোদয়ে গিরি শির নবশোভা ধরে ।  
 পড়িয়া কৌমুদী আলো তুয়ার উপরে ॥  
 দর্পণ বোধেতে যাহা স্বর্গ বেষ্টাগণ ।  
 আনন্দে মাতিয়া দেখে প্রফুল্ল আনন ॥  
 স্বজায়ার সনে আসি দেব হৃত্যুঞ্জয় ।  
 বেড়ান সুখেতে হেথা নিশীথ সময় ॥  
 শোভা ধরে অতিশয় এই হিমাচল ।  
 প্রশংসয় যার দৃশ্য কবির সাকল ॥  
 (ধূনিত কার্পাস কিম্বা শ্বেতমেঘরাশি,  
 কিংবা স্তূপ করা আছে শঙ্করের হাসি )  
 গোমুখীর মুখ হতে সুনিস্কল জল ।  
 নদীরূপে বাহিরিছে হইয়া প্রবল ॥

“ কুমার ” ও “ মেঘদূতে ” কবি কালিদাস ।  
 এ গিরির কত গুণ করিলা প্রকাশ ॥  
 “ মাল্লতী মাধবে ” ভবভূতি কবিবর ।  
 প্রশংসিলা নানামতে এই মহীধর ॥  
 “ কিরাতাজ্জুনীয় ” কাব্যে মুকবি ভারবি ।  
 বর্ণন করিলা কিরা এ গিরির ছবি ॥  
 এইরূপ কবিগণ এ গিরি বর্ণনে ।  
 রচিলা বহুল গাথা সুশ্রব্য শ্রবণে ॥  
 পঠিলে সে সব কাব্য ভারুকের চিত্ত ।  
 এককালে প্রেম্যানন্দে হয়গো মোহিত ॥  
 কি ছার ররাব বীণা বাঁশরীর স্বর—  
 ইন্দ্রের সভায় যাহা বাজে নিরন্তর ॥  
 শুনিবে কি এ শ্রবণে সেই কবিগান,  
 বন মাঝে কোকিলের কাকলী সমান,  
 “ জয় দেব ” পাঠে কত দিন এ নয়ন,  
 আনন্দে প্রেমের বারি কৈলা বিসর্জন ॥  
 না হকে সে দিন আর কভু সমাগত ।  
 জগতে অভাগা নাই এজনের মত ॥  
 স্নান করি গঙ্গাজলে প্রভাতে উষ্ণিা ;  
 করিয়াছি সাম গান ভক্তি প্রকাশিয়া ॥



শুনিয়া শ্রুতির গীত প্রতিবাসিগণ।  
 মম স্বর প্রশংসা করেছে সর্বক্ষণ ॥  
 কোথায় রহিল হায়! সে দিনের সুখ।  
 হুরদৃষ্ট মোর এবে বিধাতা বিমুখ ॥  
 কেদারা, শঙ্করা, টোড়ি রাগিণীর গীত  
 কত দিন এই কর্ণে হয়েছে পূরিত।  
 প্রচণ্ড বায়ুর শব্দে এখন শ্রবণ।  
 করিতেছে পন্নিতুপ্ত মদা সর্বক্ষণ ॥  
 আর কি হেরিব সেই জনম আবাস ?  
 যথা নাই হুখ লেশ সুখ বার মাস।  
 কোন দিন আশা তুই করি রূপা দান  
 এই কথা বলি তুপ্ত করিবিরে কান ॥  
 “হুখ নিশা হে হুর্ভাগা, হলো অবসান  
 দেখিবেক পুনরপি তব জন্ম স্থান—  
 মিলিয়া তথায় তব বন্ধু পরিবার;  
 কতই দিবেক সুখ বর্ণনে অপার।”  
 আর কি সে দিন মম হবে সমাগত।  
 যখন এহুখ মম হইবে বিগত ॥  
 পরমেশ! মুক্ত কর পাপীর এ দায়।  
 জুঁমি না করিলে দয়া নাহিক উপায় ॥

## কোন নৃপের সাংসারিক সুখে বিরাগ প্রকাশ।

নাহি চাই রাজ্য-পদ নাহি চাই ধন।  
 সুরম্য প্রাসাদে মোর নাহি প্রয়োজন ॥  
 কিনখাব মর্থমল্পের পরিচ্ছদ যত।  
 বিঁধে মোর অঙ্গে লৌহ-শলাকার মত ॥  
 গলকণ্ডার হীরকের বহুমূল্য হার।  
 নয়নে এখন বোধ হয় অতি ছার ॥  
 বন্দীদের স্তুতিবাদ শুনিয়া শ্রবণে।  
 আঁহ্লাদ প্রকাশ আর নাহি করি মনে ॥  
 যুগিত পশুর মত খোসামুদেগণ।  
 তুষিতে আমারে করে বিস্তর যতন ॥  
 কিন্তু তাহাদের কথা হয় জ্ঞান করি।  
 শত্রু-উপদেশ বোধে কর্ণে নাহি ধরি ॥  
 রাজ কবি মোর যশ বর্ণন কারণ।  
 রচেছে অসংখ্য কাব্য কর্ণ বিনোদন ॥  
 পাঠ করি সেই সব কবিতা মিচয়।  
 কিছু মাত্র নাহি হয় আনন্দ উদয় ॥

এসংসারে নাহি সুখ দুখের সদন।  
 পর হিংসা মিথ্যা বাক্যে রত লোকগণ ॥  
 খল জুয়াচোর শঠ যাহারা এখানে  
 তাহারাই বড় লোক দশ জনে মানে ॥  
 কিসে হবে বড় পদ কিসে হবে ধন।  
 সংসারির এ চেফায় ব্যস্ত সুদা মন ॥  
 অধর্মিক বিশ্বাসঘাতক দেখি সবে।  
 এ সব লোকের বল কোথা সুখ হবে ॥  
 অসীম ক্রোধ আর প্রিয় পরিবার।  
 রেখে চলে যাই বনে তেয়োগি সংসার ॥  
 পাতার কুটির সুখে বাঁধিয়া তথায়।  
 ভাবিব পরম ব্রহ্মে দীন দয়াময় ॥  
 উষাকালে বৈতালিক সম দ্বিজগণ।  
 মধুর স্বরেতে ডেকে করিবে চেতন ॥  
 সুমন্দ অনিলে আনি প্রসূনের বাস।  
 আমার হৃদয়ে দিবে অসীম উল্লাস ॥  
 নিসর্গের মনোহর শোভা নিরখিয়া।  
 তুষ্টিব এখানে মোর সন্তাপিত হিয়া ॥  
 পদ কোলে সুমধুর মধুকর গান।  
 শুনিয়া প্রভাতে তৃপ্ত করিব পরাণ ॥

পূর্ণিমা নিশিতে আমি অতি ধীরে ধীরে।  
 যাইব আনন্দ চিতে শ্রোতস্বতী তীরে ॥  
 হেরিবু তথায় শশী তারকার হার।—  
 পরিবেক নদী; (আহা শোভা চমৎকার) ॥  
 গোধূলিতে সুচিত্রিত হেরিয়া আকাশ।  
 উপজিবে হৃদয়েতে অতীব উল্লাস ॥  
 এখানে এসব সুখে কাটাইব কাল।  
 দূরে যাবে সংসারের যত চিন্তা জাল ॥  
 ত্রিসন্ধ্যায় ভক্তি ভাবে করি বিভুগান।  
 পবিত্র করিব আমি এ পাপ পরাণ ॥

কবিবর মাইকেল মধুসূদন দত্ত।

মধুসম মধুমােসে মোহন বাঁশরী।  
 বাজান নিকুঞ্জবনে রাধাকান্ত হরি ॥  
 শুনি গোপ গোপীগণ আনন্দে বিহ্বল।  
 চকিত স্থগিত হৈ ত্রে হেরে বনস্থল ॥  
 তেমতি বংশীরনাদে শ্রীমধুসূদন।  
 প্রেমানন্দে ভাসাইল গোড়জন মন ॥  
 বীরাজনা, ব্রজাজনা, তিলোত্তমা মুখে।  
 তানলয় সঙ্গীতের ধনি শুনি সুখে ॥

পুন মেঘনাদ মুখে রণ ভেরি শুনি ।  
 সদর্পেতে বীর হিয়া জাগিল অমনি ॥  
 নবরস প্রপূরিত তোমার সঙ্গীত ।  
 কাব্যপ্রিয় বাঙ্গালির যাহে জন্মে প্রীত ॥  
 কাব্যের কানন্দিকে পুন কর্ণ ধায় ।  
 শুনিতে নূতন স্বর তোমার গাথায় ॥

### কপালকুণ্ডলা ।

কে তুমি যোগিনীবেশে বন্ধিম নয়নে ।  
 ত্রাণকত্রী ভবানীরে ভাবিত্তেছ মনে ॥  
 যুবতী হইয়া কর তৈরবী সাধন ।  
 মৎসারেতে প্রীত নাই সদা সুমমন ॥  
 দক্ষজবদনী বামা মুক্তচাক্ষুশ ।  
 স্নেহ-হৃদিতা যেন ভাবিত্তেছ হেশ ॥  
 প্রশস্ত ললাটদেশ সরস হৃদয় ।  
 পেয়েছ যবন হস্তে কেশ অতিশয় ॥  
 পরে দ্বিজ, কাপালিক বজন কাননে ।  
 পালিল তোমায় সতী অতি সযতনে ॥

কপালকুণ্ডলা তুমি চিনেছি এখন ।  
 ভুলিবে না তব নাম যত গোড়জন ॥  
 অক্ষিসুগে অশ্রুবিন্দু পড়ে ঘন ঘন ।  
 স্মরিলে তোমার খেদ-পূর্ণ বিবরণ ॥

### পূর্ণিমা ।

কিবা শোভা আঁধা মরি ।  
 শুদ্ধ মরকত মোড়া চারিদিক হেরি ॥  
 পরিষ্কার নীলরঙ্গে শোভিত্ত আকাশ ।  
 তাহে স্বর্ণ সিংহাসনে শশির প্রকাশ ॥  
 নৃপবররূপে শশী শোভে মধ্য স্থলে ।  
 ধরি হীরকের দণ্ড স্বকর কমলে ।  
 দেখিলে তাঁহার মূর্তি হেন বোধ হয় ।  
 হিংসাদি স্বর্জিত সদা প্রসন্ন হৃদয় ॥  
 অহংকারময় যত ভাবনা নিচয় ।  
 যেন তাঁর হৃদি ত হইয়াছে লয় ॥  
 “কহিনুর” হৈছে তার উজ্জ্বল বরণ ।  
 প্রকাশিছে দীপ্তি কিবা দেখ অক্ষুণ্ণ ॥  
 মনোহর মুকুট তাঁহার শিরোপারি ।  
 ধরিয়াছে কিবা শোভা আঁধা মরি মরি ॥



মস্তুরূপে চারিদিক যত তারাগণ।  
 ঘেরিয়াছে নলিনীরে শৈবাল যেমন।  
 শশী আর তাহারন্দ গগনে শোভিত।  
 দেখিলেই মনোপন্ন হয় প্রকুলিত ॥  
 এসব দেখিয়া পরে হোল মম মন।  
 চারিদিকে একবার করি নিরীক্ষণ।  
 এহেন ভাবিয়া পরে আনন্দের ভরে।  
 উল্লাস অতি উচ্চ ছাদের উপরে ॥  
 কহিয়া যে দিকে আমি নয়ন ফিরাই।  
 সে দিকেই আলোনির দেখিবারে পাই ॥  
 এক ধারে দেখি উচ্চ দেবদারু শ্রেণী।  
 মন্দ মন্দ বায়ুতরে কাঁপিছে অমনি ॥  
 অশ্রু ও বটগাছ শোভে অন্য ধারে।  
 সারিয়া বিস্তার শাখা নানা দিগন্তরে ॥  
 কোটরে বসিয়া পেচাগণ।  
 সব দৃষ্টে শিকার কহে য়েবণ ॥  
 আপন শাবকগণে পাই রাখিয়া।  
 তাহাণে কহয়ে শিক পকিয়া থাকিয়া ॥  
 অন্য দিকে সেই স্থর হয় প্রতিধনি।  
 হৃৎ-শুনিয়া মন চমকে সমনি ॥

অন্য দিকে ভেঁট আর শ্যাওড়ার রনে।  
 ডাকিতেছে শিবাগণে পুলকিত মনে ॥  
 অনতিদূরেতে দেখি কুটীরে বসিয়া।  
 হৃৎগাণ গাইছে পীত আছলাদে রসিয়া ॥  
 তাহাদের মধ্যে কেহ লয়ে বেণু করে।  
 একাকী বাজায় বাঁশী আনন্দের ভরে ॥  
 দিবসেতে পল্লিশ্রমে দিয়া তার মন।  
 নিশিতে এরূপ রসে হয়েছে মগন ॥  
 এই সব স্বর বিনা নাহি অন্য ধনি।  
 ঘুমেতে নিশ্চয় ভাবে আছে যত প্রাণী ॥  
 দেখিয়া এসব পরে স্মরিয়া ঈশ্বরে।  
 প্রযুক্ত হলেম গৃহে শয়নের তরে ॥

### শোকাতুর বৃদ্ধের খেদ।

নাহিক সে নিশাকর নিশার ভূষণ।  
 নাহিক সে তারাবলী ব্যোমশোভন ॥  
 নাহিক কোমুদী যেই সুনবীনা বালী।  
 ক্ষীণাঙ্গিনী যোড়শী ভুবন সমুজ্জ্বলা ॥



না আসে দ্বিজদম্পতী চকোর যুগল ।  
 পীতে সুধাকর-সুধা হইয়া বিহ্বল ॥  
 কঠোর কুরূপা অতি রাক্ষসী সমান ।  
 অন্ধকার ভয়ঙ্করা যাহার ভিধান ॥  
 গ্রাসিয়াছে সেই দুষ্ঠা রজনীর পোতা ।  
 নিশাকর তারাবলী জগমুখালোতা ॥  
 পূর্বকার মনোহর ভাব স্মরণ ।  
 হয়েছে বিগত আর দৃশ্য নাহি হয় ॥  
 অম্মার এ অন্তরের সেই রূপ ভাব ।  
 এখন হয়েছে আহা ! সকল মতাব ॥  
 কোথা মম প্রিয়তম প্রাণের কুমার ।  
 সর্বগুণে গুণময় দ্বিতীয় কুমার ॥  
 কোথা প্রিয়তমা মম সংসারের সার ।  
 কোথা গেল কোথা গেল বন্ধু আপনার  
 নির্ধন হইলে ধনী যেমন প্রকার ।  
 কৃত্রিম বন্ধুরা “পথ দেখে আপনার ॥”  
 সেইরূপ মোরে ফেলি পুত্র পরিবার ।  
 কোথা গেল নিদর্শন নাহি পাই কার ॥  
 বিশ্বরূপ নাট্যশালে করি আগমন ।  
 স্বীয় স্বীয় নটবৃত্তি করি সম্পূরণ ॥

হা ! হা ! কোথা গেল তারা ফেলিয়া আমায় ।  
 লৌহময় দুর্গে রাখি চিরবন্দী প্রায় ॥  
 যেমন সাগর মাঝে উঠিয়া তরঙ্গ ।  
 অন্য তরঙ্গেতে নাশে তাহার বিরঙ্গ ॥  
 পুনঃ এক ভয়ঙ্কর তরঙ্গ উঠিয়া ।  
 নাশে সকলের রঙ্গ বিষম গর্জিয়া ॥  
 সেই রূপ মম হৃদে চিন্তার তরঙ্গ ।  
 এক আসে এক যায় করিয়া বিরঙ্গ ॥  
 পুনঃ এক শোক চিন্তা হৃদিমধ্যে উঠি ।  
 পূর্বের সে ভাঙ্গ গুলি করে কুটি কুটি ॥  
 সকল জীবের এবে আনন্দ হৃদয় ।  
 কেবল আমায় মন অগ্নি সম দয় ॥  
 দিবসের পরিশ্রম করি সমাপন ।  
 ঐ যে ক্রমক করে বাঁশরী বাদন ॥  
 তানপুরা লয়ে কেহ রাগি রঙ্গভরে ।  
 পরজ বেহাগ আদি রাগালাপ করে ॥  
 প্রণয়ী এখন ভাসে প্রণয় তরঙ্গে ।  
 প্রণয়িনী সনে ভাষে নানা রস রঙ্গে ॥  
 সুখী গৃহস্থের কিবা আনন্দ অপধর ।  
 নাহিক দুখের লেশ সুখ অনিবার ॥

এখন ধনাচ্যগণ আহ্লাদে মগন ।  
 সুখেতে আহর করে লয়ে বন্ধুগণ ॥  
 কিন্তু কোথা সুখে মগ্ন আমার হৃদয় ।  
 সহস্র দুখেতে সুধু হয়েছে বিলয় ॥  
 অহো! জগদীশ বিভো দীন দয়াময় ।  
 দয়া কর দয়াকর দীনেশ স্তময় ॥  
 লয়ে তব নিকেতনে মুখ কর শেষ ।  
 কাতরেতে এই ভিক্ষা চাই পরমেশ ॥

বসন্ত ।

অহো! কিবা মনোহর ।  
 বাসন্তীয় পূর্ণিমার নিশি দ্বিপ্রহর ॥  
 অসীম প্রশস্ত ব্যোম বলকিছে কিবা ।  
 হিমাংশুর কিরণেতে বোধ হয় দিবা ॥  
 লজ্জিতা কামিনী সমা তারকানিকর ।  
 হৃদ মন্দ হাসে আস্য প্রকাশে তৎপর ॥  
 রূপবতী কোমুদী সতীর বাস্যচ্ছটা ।  
 দেখ কিবা বনস্থলে করিয়াছে ঘটা ।

যতোক আবৃত স্থল অদ্রির কন্দর ।  
 হৃষ্ট অন্ধকার রয় ভাবি নিজ ঘর ॥  
 ( হেরিয়া ধর্মের জ্যোতি পাপীর অন্তর ।  
 ভয়েতে কাতর, অঙ্গ কাঁপে থর থর ) ॥  
 নূতন সাজিত বুঝি অদ্য এই ভব ।  
 হেরি অভিনব শোভা হয় অনুভব ।  
 চন্দ্র তারা বৃক্ষ লতা সকলি নূতন ।  
 যেন ঙ্গশ স্বজিলেন এ নব ভুবন ॥  
 প্রতি দিন ধীরে ধীরে আমি এই স্থলে ।  
 এসে থাকি ফেকালেতে অতি কুতূহলে ॥  
 কিন্তু এতাদৃক সুখ কখন আমর ।  
 হৃদি মাঝে উপস্থিত হয় নাই আর ॥  
 দিবাত্রমে যত সব কোকিল কলাপ ।  
 আনন্দে মধুর স্বরে করিছে আলাপ ॥  
 মুকুলিত সহকার মধুলোভে অলি ।  
 গুন গুন রবে মধু পিয়ে ভাঙ্গি কলি ।  
 গোলাপ প্রসূনেশ্বর ফুটিয়া এখন ।  
 বিতরি সুরতি স্বীয় তৃপ্ত করে মন ॥  
 মল্লিকা মালতী এবে শ্বেতাম্বর পারি ।  
 মলয়ানিলেরে দেয় অ্রাণ ভেট ধরি ॥

আনন্দে মগন অতি সমস্ত স্বভাব ।  
 প্রিয় সখা বসন্তের করি সঙ্গলাভ ॥  
 ( যথা চির বিরহিণী বহু দিনান্তর ।  
 পাইয়া নাগর মণি প্রফুল্ল অন্তর ॥ )  
 রাখাল তেয়াগি নিদ্রা কানন ভিতর ।  
 বাজায় বাঁশরী কিবা কণ্ঠস্থিকর ॥  
 হা ! কি দেখিছ ঐ বকুলের তলে ।  
 বীণা হাতে সীমন্তিনী বক্ষ ভাসে জলে ॥  
 ( রাত্রি জাগি গন্ধরাজ নিশি পুষ্পেশ্বর ।  
 তুহিনে আবৃত যথা হয় কলেবর ) ॥  
 অঙ্গ অভরণ হয় বকুলের মালা ।  
 যাহে দশদিক কিবা করিছে উজ্জ্বলা ॥  
 বদন মণ্ডল কেন এমন মলিন ।  
 ( অপূর্ব গোলাপ শোভা রৌদ্রেতে বিহীন ) ॥  
 প্রেম-পূর্ণ অক্ষিযুগ ক্রন্দনের তরে ।  
 কভু না স্বজিত হৈল চতুর্মুখ করে ॥  
 তবে কেন শোকেতে কাতরা এই সতী ?  
 বিঘোর নিশীথ কালে উদ্যানেতে গতি ॥  
 ( যতক কুসুম কিন্তু বিধির স্বজনে ।  
 সমশোভা নাহি দেয় সংসার কাননে ) ॥

স্তনহে ভাবুক তব আছে কারণ ।  
 নায়ক বিরহানেলে সন্তাপিত মন ॥  
 বসন্ত বাহারে প্রিয় বিরহের গীত ।  
 গাইছে শুনিয়া যাহা অহিও স্তম্ভিত ॥

### প্রেমিকার সঙ্গীত ।

( ওহে প্রাণপ্রিয় ) সূর্য্য হলো অস্তমিত ।  
 গোধূলি পাইয়া চন্দ্র হয়েন উদিত ॥  
 মসজিদ উপরে অল্প সূর্য্যের কিরণ ।  
 চক্ চকু করে কিবা সুন্দর দর্শন ॥ ১  
 নিস্তব্ব হইল এই বিশ্ব চরাচর ।  
 গোলমাল হীন গৃহ ময়দান নিকর ॥  
 প্রেমের রহস্য কথা কেবল বুলবুল ।  
 নিবেদন করে যথা গোলাপের ফুল ॥ ২  
 কেবল ঝর ঝর শব্দে নিব্বরি নিকরে ।  
 মুক্তাসম জল বিন্দু নিয়ত উগরে ॥  
 যথা মধুময় অতি প্রেমের কথন ।  
 তব মুখ-পদ্ম হতে হয় নিঃসরণ ॥ ৩



সুবিস্তৃত অতি শুভ্র গগন মণ্ডল ।  
 কোটিই তারণায় করে ঝলমল ॥  
 ইচ্ছা হয় তেজি এই দুঃখের সংসার ।  
 ভুঞ্জি দৌঁছে তথা গিয়া নিত্য সুখ সার ॥ ৪  
 কিন্তু সেই তারাচয় হীরকের স্তম্ভ ।  
 নিশাকালে আকাশেতে দীপ্তি দেয় কত ॥  
 একটীও সে সুন্দর তারকার সনে ।  
 তব অক্ষি যুগ সহ তুলনা কে গণে ? ৫  
 ছোট ছোট গাছে ঢাকা জঙ্গল নিচয় ।  
 জোনাকীর মালা পরি সুশোভিত হয় ॥  
 যেন সেই বাতি এক প্রেম ভরসার ।  
 ভূষিতে এসেছে ক্ষণে অন্তর আমার ॥ ৬  
 প্রকৃতির গলে শোভে যেই ফুলহার ।  
 মুক্তাহার যার কাছে তুলনায় ছার ॥  
 সেই প্রসূনের গন্ধ মলয় পবন ।  
 আনিয়া বিস্তারে চারি দিকে প্রতিফল ॥ ৭  
 পুষ্প লতা তারারন্দ চাঁদের মণ্ডল ।  
 নির্ঝর বুলবুল পাখী ইহারে সকল ॥  
 মোদের এ প্রেম অনুরাগ ও মিলন ।  
 নয়নে হেরিয়া থাক সাক্ষীর মতন ॥ ৮

### দ্বিপ্রহরে ভাবুকের ভ্রমণ ।

যবে রবিতাপে দক্ষ পথিক চরণ ।  
 যবে পাখী শাখাপরি শান্তিতে মগন ॥  
 যবে করী শূকরী অতীব ক্লান্ত ভরে ।  
 নিপানের জলে অঙ্গ সুশীতল করে ॥  
 ভবের ভাবুক এক এমন সময় ।  
 অতিশয় ধীরে ধীরে উদ্যানে উদয় ॥  
 সহকার কুল যত সে নিকুঞ্জ মাঝে ।  
 বাসন্তীয় মুকুলেতে করিয়া সুমাজ ॥  
 সুগন্ধ সুমন্দ মন্দ তথায় বিস্তারি ।  
 ভাবুকের মনোপন্ন লইল হে হৃদি ॥  
 ঝাঁকে ঝাঁকে ফুল মনে মধুকরীগণ ।  
 চূত-মুকুল-মধু পীবারে মগন ॥  
 যেন জীবগণ দুখ দেখিয়া প্রচুর ।  
 সহকারে তরুগণ করিবারে দূর ॥  
 একে একে শাখা পত্র সকলে, বিস্তারি ।  
 নিষ্ঠুর রবির তাপ লইতেছে হরি ॥  
 প্রকৃতির চন্দ্রাতপ ঝুলিয়া অমরোণ ।  
 যেন জীবগণ কষ্ট লইতেছে হরে ॥



শীতল পাদপ মূলে ভাবুক সৃজন।  
 বসিলেন স্থির ভাবে শান্তির কারণ ॥  
 বসিয়া আশ্রাদ মনে ভক্তি রসে রসি।  
 স্বভাবের শোভা হেরি দূর মনো মসি ॥  
 দূরেতে কৃষক বসি সহকার মূলে।  
 গাইছে মধুর গীত অতি কুতূহলে ॥  
 কৃষকের মুখে শুনি হেন সুসংগীত।  
 ভাবুকের মনে কত উপজিল প্রীত ॥  
 শাখা মাঝে কুলু কুলু রবে পিকবর।  
 জীব-কর্ণ-মূল তৃপ্ত করে নিরন্তর ॥  
 দেখি শুনি ভাবুক এ শোভা মনোহর।  
 কত সুখে সুখী তাঁর হইল অন্তর ॥  
 ক্রমে ক্রমে দ্বিপ্রহর হয় অবসান।  
 দেখি ধীরে উঠিলেন ভাবুক মহান ॥  
 “জয় জগদীশ” বলি তেয়াগি কানন।  
 তাবতরে চলি গেলা আপন ভবন ॥

## সমস্যা।

“আহা কিবা ঈশ্বরের অনন্ত কৌশল।”

## পূরণ।

সরস বরষা ঋতু হইল উদয়।  
 প্রাবিত হইল ধরা সব জলময় ॥  
 গগনে সঘনে ঘন গরজে গভীর।  
 নিরবধি বরিষণ করিতেছে নীর ॥  
 চাতকের পাতকের হোল সমাধান।  
 ইচ্ছামত জলধরে করে জলদান ॥  
 একেবারে সব হইয়াছে ঢল ঢল।  
 আহা কিবা ঈশ্বরের অনন্ত কৌশল ॥ ১  
 “স্বভাবের শোভা কিবা হায় হায় হায় ॥”  
 ভয়ঙ্কর বারিধারা মেঘের গর্জন।  
 সকল হয়েছে গত নির্মল গগন ॥  
 ময়ূর ময়ূরী আর পাপীয়া সকল।  
 ডাকে নিজ নিজ রবে ঝাড়ি অঙ্গ জল ॥  
 পড়িয়া রক্তির বিন্দু দুর্বাদলেপরে।  
 মুকুতা মালায় ন্যায় আছে শোভা ধরে ॥

এ হেন সৃষ্টির আর তুলনা কোথায়।  
 স্বভাবের শোভা কিবা হয় হয় হয় ॥ ২  
 “খলের স্বভাব হয় একি চমৎকার।”  
 পেটেতে গরল ভরা মুখে মধুভাব।  
 বাহিরে সৌজন্য কত করেন প্রকাশ ॥  
 সাধিতে পরের মন্দ সদা মন ধায়।  
 পর সুখে রয় অতি-অপ্রফুল্ল কায় ॥  
 যদি কোন লোক পড়ে হৃৎখের সাগরে।  
 তবে তারে দেখে হাঁসে খল খল ভরে ॥  
 কুঠার হইতে তার হৃদয়ের-ধার।  
 খলের স্বভাব হয় একি চমৎকার ॥ ৩  
 “কোথায় রহিল সে দিন হয়।”  
 যে কালে লোকেতে আনন্দ ভরে।  
 ভাবিত একই পরমেশ্বরে ॥  
 দেবদেবী আর নর পূজন।  
 যে কালে লোকের না ছিল মন ॥  
 এক মাত্র সেই ত্রৈলোক্যের প্রতি।  
 যে কালে সবার ছিল ভক্তি ॥  
 ব্রাহ্ম ধর্মা যবে ছিল এথায়।  
 কোথায় রহিল সে দিন হয় ॥ ৪

### আওরঙ্গজেবের স্বপ্নদর্শন।

(ইংরাজি কবিতার মর্মানুবাদ।)

জিনিয়া অমর পুর শোভিত ভবন।  
 নানা মণি মাণিক্যেতে আছে সুশোভন ॥  
 জ্বলিতেছে মনোহর নীল দীপ চয়।  
 করিছে শোভিত গৃহ, অতি আলোময় ॥  
 মখমল শয্যোপরি করিয়া শয়ন।  
 আছেন ভূপাল, সেবে দাস দাসীগণ ॥  
 এমন সুখের মাঝে থাকি ভূপবর।  
 তথাপিও চিন্তায়ুক্ত রন নিরন্তর ॥  
 পূর্বকৃত পাপরাশি স্মরি সর্বক্ষণ।  
 উপজিছে হৃদয়েতে বিষম বেদন ॥  
 অনর্থক চেফা করা সুসুপ্তির তরে।  
 চলি গেছে নিদ্রাদেবী অতীব অন্তরে ॥  
 কৃত পাপ চয় যত করিয়া স্মরণ।  
 হইছেন পুনঃ পুনঃ হৃৎখেতে মগন ॥  
 বহুক্ষণ পরে তবে স্থির হল মন।  
 ক্রমে ক্রমে নিদ্রা আসি করে আকর্ষণ ॥

দেখিলা স্বপন এক অতি ভয়ঙ্কর।  
 বর্ণিতে বর্ণনার কাঁপে থর থর ॥  
 বীরবর মুরাদ সম্মুখে দাঁড়াইয়া।  
 গভীর বচনে কন ক্রোধ প্রকাশিয়া ॥  
 কিজন্যে নিষ্ঠুর নৃপ অন্তরে তোমার।  
 হয়েছিল অতিশয় ক্রোধের সঞ্চার ॥  
 বাহে করেছিলে মম শির খান খান ॥  
 বল বল বল তাহা করিয়া বাধান ?  
 মুরাদের ভূত যোনি এতেক বলিয়া।  
 অদৃশ্য ভাবেতে কোথা যাইল চলিয়া ॥  
 আওরঙ্গজেব হেরি এই সমুদয়।  
 ভয়ে অকুলিত তাঁর হইল হৃদয় ॥  
 পুনর্বার স্বপ্ন এক পাইয়া দেখিতে।  
 উঠিলেন নৃপবর অতীব চকিতে ॥  
 মোলেমান আর দারা এই দুই বীর।  
 আসিয়া তাঁহারে কন গজ্জিয়া গভীর ॥  
 “অরে পাপি অহঙ্কারি হৃষ্ট হুরাচার।  
 পাপের পশারা পূর্ণ হৃদয় তোমার ॥  
 কৌশলেতে অধিকারি পিতৃ সিংহাসন।  
 নরাদম নাম তব ব্যাপিলা ভুবন ॥”

এত কহি বীরদ্বয় নিস্তর হইল।  
 পরে এক মহা শব্দ শুনিত্তে পাইল ॥  
 তাহা শুনি দারাবীর পুল্ল সঙ্গে করি।  
 চলি গেলা ঘোর নাদে অম্বর উপরি ॥  
 পুন ভূপ হেরিলেন সত্য অন্তরে।  
 রয়েছেন সত্য পিতা দাঁড়ায়ে অন্তরে ॥  
 সম্মুখেতে তিনি পরে হইয়া প্রকাশ।  
 ক্রোধভরে স্বপুলে বলেন মন-আশ ॥  
 “রে হৃষ্ট পাপের দাস কুজনের শেষ।  
 সুখে কর রাজকাজ নাহি লজ্জা লেশ ॥  
 বটে তব পিতা আমি কিন্তু কাজে অরি।  
 সত্যতই অমঙ্গল তব ইচ্ছা করি ॥  
 স্মরিয়া যতক'পাপ যাবৎ জীবন।  
 পাইবিরে অন্তরেতে ঘোর নির্যাতন ॥”

বিপদগ্রস্ত গৃহস্থ পরিবার।

ভয়ঙ্কর অন্ধকার রজনী গভীর।  
 রক্তির জলেতে ভাসে বক্ষঃ অবনীর ॥



কড়মড় অশনির ঘন ঘন ডাক ॥  
 শুনিয়া জীবের নাহি সরিতেছে বাক ॥  
 তোপের শব্দেতে হেন রণক্ষেত্র মাঝে ।  
 করে নাই চমকিত মানব-সমাজে ॥  
 জননীর অঙ্কে ক্ষুদ্র ক্ষুদ্র শিশুগণ ।  
 ভয়েতে জড়িয়া রয় মুদিয়া নয়ন ॥  
 যেন অদ্ভি গহ্বরেতে হরিণশাবক ।  
 লুকাইয়া রয় বনে হেরিয়া পাবক ॥  
 ঝক ঝক ঝক ঝলকিছে সৌদামিনী ।  
 অহির শিরেতে যেন জ্বলিতেছে মণি ॥  
 অথবা নাশিতে স্বীয় রাজ্য ক্রোধভরে ।  
 ঈশের প্রেরিত এক দৈত্য পৃথ্বীপরে ॥  
 থাকি থাকি মহাদর্পে বুঝি সে অক্ষর ।  
 বিকট হাসিয়া কাঁপাইছে মর্ত্যপুর ॥  
 অবিশ্রান্ত বহিতেছে প্রচণ্ড পবন ।  
 উপড়িয়া পড়ে তায় বক্ষ অগণন ॥  
 সে বক্ষ পতনে পুনঃ হয়ে প্রতিধ্বনি ।  
 জীবমনে ভয় দেয় উপজি অমনি ॥  
 অসঙ্খ্য অসঙ্খ্য দ্বিজ শাবক সহিত ।  
 হারায় অমূল্য প্রাণ হয়ে বিক্ষেপিত ॥

নদীগর্ভে আরোহি-সহিত তারি যত ।  
 ঘোর নাদে চূর্ণ হয়ে হইছে বিগত ॥  
 কল্কলে বাপী কুপ হুদাদি সকল ।  
 পূরিতেছে ক্ষণমধ্যে পড়ে বৃষ্টিজল ॥  
 মণ্ডু ক মণ্ডু কীগণ পেয়ে স্তমসয় ।  
 ঘোররবে ডাকিতেছে হইয়া অভয় ॥  
 বিচূর্ণিত দুঃখির হইয়া ঘর দ্বার ।  
 ভূমিতলে পড়ে হয়ে যায় মাটিমার ॥  
 দ্বিতীয় প্রলয় কাল বুঝিবা এ হয় ।  
 নাশিতে এ চরাচর ভুবনে উদয় ॥  
 এ হেন দুর্যোগে এক গৃহস্থ কুটীরে ।  
 ভাসিতেছে মহাক্ষেপে দুঃখরূপ নীরে ॥  
 জ্বলিছে ঘরের দীপ হইয়া মলিন ।  
 ছাত থেকে চূয়ে জল পড়ে ফিন্ ফিন্ ॥  
 দ্বারের নিকটে বসি মাথে হাত দিয়া ।  
 খেদেতে কাঁদিছে গৃহস্থামী ডুকুরিয়া ॥  
 নয়নের জলে তার বক্ষঃ ভেসে যায় ।  
 মুখেতে বচন মাত্র “হায় হায় হায়” ॥  
 বিছানায় হতপুত্র হয়ে প্রাণহীন ।  
 পড়ে আছে এক ধারে হইয়া মলিন ॥



তার পাশে কন্যা এক অতীব সুন্দরী।  
 শূলরোগে কাঁদিতেছে ধড়ফড় করি ॥  
 নাড়ী হেরে বৈদ্য তার বিষণ্ণ বদনে।  
 বলে “মূলে নাড়ী নাই বাচিবে কেমনে ॥”  
 গৃহস্থ-বনিতা খেদে ঘরের কোণায়।  
 আড়ম্ব হইয়া পড়ে আছে শবপ্রায় ॥  
 তাহাদের কেহ নাই সান্ত্বনা বচনে।  
 নিবারিতে মহাহুঃখ আসি মাত্র ক্ষণে ॥  
 একমাত্র সহায় আছেন মহেশ্বর।  
 দয়াময় দয়াধার বিভূ বিশ্বস্তর ॥  
 তিনি মাত্র অন্তরীক্ষ হতে প্রতিক্ষণ।  
 বলিছেন “বিনশ্বর মানবজীবন” ॥

ভগ্ন প্রাচীরোপরি চমৎকার শোভা।

মথ্মলোৎ কাজ কিবা প্রাচীর উপর।  
 এক বার চেয়ে দেখে হে বান্ধব বর ॥  
 ভগ্ন দেউলেতে শোভে মনোহর কাজ।  
 যাহার হরিৎ বর্ণে সঁব পায় লাজ ॥

প্রথমে সাজান দেখে, শৈবাল কোমল।  
 তার পরে দুর্ব্বায় মণ্ডিত ন্যূনা স্থল ॥  
 অবশেষে কারিগুরি করি তার মাঝ।  
 লজ্জিত করেছে যত মানব সমাজ ॥  
 ধন্য সেই চারু শিল্পী শত ধন্য তারে।  
 যে হেন অপূর্ক কৰ্ম্ম করিবারে পারে ॥  
 সামান্য তৃণনিকর বিক্ষেপিয়া শত।  
 স্বপ্ন পরিশ্রমে কাজ করিয়াছে কত ॥  
 হেরিয়াও এই সব কার্য্য অপকূপ ॥  
 নাহি উথলয় মানবের ভাবকূপ ॥  
 ধিক সে অকৃতজ্ঞ নরে ধিক শতবার।  
 যে জন না দেয় ঈশে কৃতজ্ঞতা-হার ॥

সন্ধ্যাকালে ভাগীরথী দর্শন।

পর্যায়।

মান মুখে দিবাকর করিলে গমন ॥  
 নিজ নীড়পানে ধায় দ্বিজগণ ॥

সন্ধ্যা বন্দনাদি করি দ্বিজগণ সবে ।  
 গৃহে যায় ফুল মনে স্মরি ইস্টদেবে ॥  
 ক্ষেত্রে থেকে ক্ষেত্রপতি হয়ে ক্লান্ত মন ।  
 গৃহ অভিমুখে সবে করিছে গমন ॥  
 ধীরে যক্তি করে, লইয়া গোপাল ।  
 সঙ্কে করি লয়ে যায়, আপন গো-পাল ॥  
 নিশানাথ হাস্যমুখে জ্যোতিষ্ক-মণ্ডলে ।  
 তারকা-মণ্ডলী আদি লয়ে দল বলে ॥  
 সার্বভৌম পৃথ্বীপতি সম দেন বার ।  
 জলধি অতলস্পর্শ করি অধিকার ॥  
 এমন সময়ে আমি অতি ধীরে ধীরে ।  
 চলিলাম সখাসঙ্গে ভাগীরথী তীরে ॥  
 ধরেছে প্রকৃতি সতী কিবা নব বেশ ।  
 ভাবিলে ভাবনা কত উপজে অশেষ ॥  
 পড়েছে কোমুদী আভা তটিনীর নীরে ।  
 রূপার স্তবক ঝকে লহরী শরীরে ॥  
 তরঙ্গ রহিত নীর স্থিরভাবে রয় ।  
 বিবিধ শার্ঙ্গার ছায়া, তাহে দৃশ্য হয় ॥  
 কত শত শিশুমার আনন্দের ভরে ।  
 জলে থেকে ভেসে উঠি ধীর শব্দ করে ॥

বসিয়া নাবিকগণ, নৌকার উপরে ।  
 শারি শারি সারী গায়, হুঁকু লয়ে করে ॥  
 দেখা যায় নিকটে রয়েছে ইক্টিমার ।  
 শত শত দ্বীপ জ্বলে তাহার তিতর ॥  
 শ্বেতাস্বী হরিষ মনে শ্বেতাস্বিনী সনে ।  
 টেবিলেতে খানা খান সহাস্য বদনে ॥  
 এ সব দেখিয়া আমি প্রিয়সখা সঙ্গে ।  
 আইলাম গৃহমুখে পুলকিত অঙ্গে ॥

সময় ।

( ইংরাজী হইতে অনুবাদিত । )

ক্রত পক্ষে সময় করিছে পলায়ন ;

আমি তারে করি সম্বোধন,

বলি তিষ্ঠ করো না গমন,

কিন্তু তাও যায় সে চলিয়া

একটাও কথা না বলিয়া ।

তার পরে রাখিবারে মম অনুরোধ  
সময় দিলে এ প্রবোধ,  
( যাহাতে হইল মোর বোধ )  
“হে অসার মনুজবর  
তুচ্ছিত্তা তেয়াগি কাল হর ”  
হায় হায় সময় তো বুথা বয়ে যায়  
কি হইল অন্তের উপায়।  
পুনরায় কহিলি সময়,  
শেষ দিন সন্নিহিত হয়—  
তুচ্ছ এই উপদেশ দিয়া  
গেল কোন খানে পলাইয়া।

নীলকরের কাণাগারে কোন  
কৃষকের খেদ।

নীলকর বিষধর বিষপোরা মুখ।  
অনল শিখায় ফেলে দিল যত সুখ ॥

কি খেদ কি খেদ কব কায়  
বুঝি এ নরকে প্রাণ যায়।  
দুচ বাঁধা হস্ত পদ, প্রতি কথাতে বিপদ,  
অপমৃত্যু হলো বুঝি হায়।

কৃষিকার্য্য করে আমি খাই  
নাহি ধন মানের বড়াই।  
প্রাত্যহিক পরিশ্রমে, মনোস্থখে কোনক্রমে  
দীনভাবে দিনটা কাটাই ॥  
জুয়াচুরি ফেরেবী সকল  
সংসারের নানান কৌশল।  
নাহি জানি আমি চাষা, হৃদয়েতে সদা বাসা  
হেন রুতি যাহা সুবিমল ॥

মনে নাই ভাব অসরল  
গরু আর লাঙ্গল সম্বল।  
জোর করি নীলকরে, সতত পীড়ন করে,  
হরে প্রাণ সম্পত্তি সকল ॥

কোথা প্রাণ প্রিয় পরিবার  
কোথা গেল বন্ধু আপন।  
হেথা “শ্যামাচাঁদাঘাতে” পৃষ্ঠদেশ রক্তপাতে,  
কষ্ট কত সহিছি অপার ॥



কারাগৃহ ঘোর অন্ধকার  
 ঝুলেতে আরত চারিধার  
 প্রথর অরুণ জ্যোতি, তথা নাহি করে গতি,  
 যেন ঠিক যমের আগার ॥  
 হারে নিদারুণ নীলকর  
 পাষাণে কি গঠিত অন্তর ?  
 চতুষ্পদ পশু মনে, তোমার তুলনা গণে,  
 যত সব সুখার্শ্বিক নর ॥  
 ওপাশের কুঠরী তিতর  
 আছে বদ্ধ মম সহোদর ।  
 শুনি তার খেদ গান, বিদরিয়া যায় প্রাণ,  
 মরিলেই যুড়ায় অন্তর ॥  
 মাকিনের কৃত দাসগণ  
 সহে না কি কষ্ট অক্ষুণ্ণ ?  
 কিন্তু সেই কষ্ট যত, মোরা সহি যেই মত,  
 নহে সেই মতন পীড়ন ॥  
 লেপটনে গবর্ণর যিনি  
 দয়া কি না করিবেন তিনি ?  
 তবে আর কারে কই, বিভু জগদীশ বই,  
 সহি যত দিবস যামিনী ॥

### তপ্ত তপস্বী !

কণ্ঠেতে তুলসী মালা মুখে হরি রোল ।  
 গলায় ছুলায়ে সুখে বাজাইছ খোল ॥  
 তরবুজের বোঁটা সম টিকী শোভে শিরে ।  
 পরনেতে মলমলের খান ফির ফিরে ॥  
 কোঁচাটা জড়ান মোল্লা সম কাছা নাই ।  
 দেখিতে ধার্মিক বট কপট গৌসাই ॥  
 ছাপাতে সকল অঙ্গ চমৎকার শোভে ।  
 সতত ধাবিত মন পরনারী লোভে ॥  
 হাড়গিলের ঝুলিমত হাতে কুঁড়োজালি ।  
 মুখটা সুমিষ্ট কিন্তু হৃদে ভরা কালি ॥  
 পেটটি ঢাকাই জালা নবাবী চলন ।  
 লোকেরে দেখাও সদা, হরি নামে মন ॥  
 সুখেতে কাটাও কাল আহারের তরে ।  
 রোদ্দে জলে নাহি ফিরো পরিশ্রম করে ॥  
 মালপুয়া মতিচূর মিঠাই প্রার্থহ ।  
 রাজার মতন ভুমি আহার করহ ॥  
 কিন্তু পরকালের কি করিলে সম্বল ।  
 ধাটিবেনা ঈশ্বরের কাছেতে কোঁশল ॥



অতএব ছেড়ে দাও ভণ্ডামী যতেক।  
স্থির চিত্তে ভাবি সেই পরমেশ এক ॥

### বন্ধুবিয়োগ।

ওহে নিশাকর তুমি বিমল অম্বরে।  
তারাদল সহ আছ কত শোভা করে ॥  
মলিন বদনে পুনঃ প্রভাত সময়।  
অস্তগত হবে তুমি—দিনেশ উদয় ॥  
ধরিবে নবীন বেশ বিশ্ব চরাচর।  
মিলিবে কোক দম্পতি আছন্দ অস্তর ॥  
ধাইবেন অস্তে রবি গোধূলি প্রকাশ।  
একটী করিয়া তারা হইবে বিকাশ ॥  
ওষধীশ! পুন তুমি আকাশ মণ্ডলে।  
বসিবেক শোভা করি লয়ে দল বলে ॥  
কিন্তু হায়! বন্ধু মম হৃদয় আকাশ।  
উজলিবে নাহি আর হইয়া উল্লাস ॥  
হাস্তযুক্ত মুখচন্দ্র উদিলে তোমার।  
(উদারতা সদগুণের যা ছিল আধার) ॥

জানি বিশ্ব নাট্যশালা তাহে জীব যত।  
কুশীলব বেশ ধরি প্রবেশে সতত ॥  
আপনার অভিনয় করি সমীপন।  
ক্রমে একে একে পরে করে পলায়ন ॥  
কিন্তু ভাবি নাই আমি এক দিন তরে।  
পলাইবে তুমি সখা এতই সত্বরে ॥  
হৃশ্চিকৎস হলো রোগ ঔষধ না মানো।  
জন্মমত বিদায় লইলা পৃথী স্থানে ॥  
হেথায় বনিতা মাতা সখা হে তোমার।  
দুঃখে জর্জরিত হয়ে দেখে অন্ধকার ॥  
দিয়া সকলেরে ফাকি কোন্ দেশান্তরে।  
একাকী চলিয়া গেলে না চিন্তি অস্তরে ॥  
হেথা তব শোককে করি অশ্রু বিসর্জন।  
তব দেখা নাহি আর পাব কদাচন ॥

### চন্দ্র গ্রহণ।

একি হেরি একি হেরি আশ্চর্য ঘটন।  
তুমি নিশাকান্ত চন্দ্র ভুবনমোহন ॥

আলোক বিস্তারি কর পৃথিবী উজ্জ্বল ।  
 অপূর্ব বেশে সাজ্জত হয় জল স্থল ॥  
 আজি কি কারণ হেরি তব হেন বেশ ।  
 কাঁপিতেছ থর থর সহি বহু ক্লেশ ॥  
 হৃদান্ত পাশু রাত্ৰ গ্রাসিছে তোমায় ।  
 ছোট হয়ে অপমান করে ডব হায় ॥  
 নীচের প্রকৃতি এই বিদিত জগতে ।  
 স্ববশে পাইলে দণ্ড দেয় নীনা মতে ॥  
 শত “কোহীনুর” জ্যোতি তোমার বিহনে ।  
 খদ্যোতের ভাতি সম বোধ হয় মনে ॥  
 এবে সেই জ্যোতি হায় হয়েছে মলিন ।  
 শোকে ক্লম্ববর্ণ আশ্র উল্লাস বিহীন ॥  
 “নিয়তি কেন বাধ্যতে” শাস্ত্রের বচন ।  
 ঘটবে কপালে যাহা আছয়ে লিখন ॥

### মুঙ্গের দুর্গ ।

হে মীরকাশিম আলি ভেবেছিলে মনে ।  
 চিরস্থায়ী হবে কীর্তি তোমার ভুবনে ॥

দারুণ দুর্গম দুর্গ প্রস্তরে গঠিত ।  
 পর্কিত প্রমাণ উচ্চ পরিখা সহিত ॥  
 সহস্র প্রারুট জলে না হইবে শেষ ।  
 ভেবেছিলে এই মনে হে বীর নরেশ ॥  
 কিন্তু রুখা তব পাশে আশা মায়াবিনী ।  
 তব তুষ্টি জন্যপ্লেছিল এ কাহিনী ॥  
 কোথা রাজ্য পাট তব কোথা দুর্গ শোভা ।  
 যাহা এক দিন ছিল জন মনোলোভা ॥  
 দূরদ্বীপ-বাসি নরে এখন তোমার ।  
 ‘দুর্গ রাজ্য পাট করিয়াছে অধিকার’ ॥  
 সমান গঙ্গার স্রোত চলে কলকলে ॥  
 দুর্গের প্রস্তর ভাঙ্গি পড়ে নদী জলে ।

### পাদ্রি লং সাহেব ।

যবে নীলকর দক্ষ্য কঠিন হৃদয় ।  
 ধন প্রাণ প্রজার হরণ করি লয় ॥  
 বঙ্গের নির্দোষী চাষা উপায় বিহীন ।  
 অসহ যন্ত্রণা সহি দিন দিন স্তীর্ণ ॥

তখন কেবল তুমি ওহে পুরোহিত ।  
 তাহাদের কতই সাধিয়া ছিল হিত ॥  
 হয়ে ভিন্ন দেশী নর পিতার সমান ।  
 দুর্বল কুমকগণে কৈলা পরিত্রাণ ॥  
 কারাবাস অপমান ক্রেশ সহ করি ।  
 পর উপকার তরে সুখ পরিহরি ॥  
 মহিলে কতই কষ্ট না হয় ঘর্নন ।  
 ধন্য তুমি নর কুলে সুধীর সূজন ॥  
 কি কুমক কি গৃহস্থ বঙ্গের মাঝারে ।  
 কেহ তব গুণ নাহি ভুলিবারে পারে ॥

### পাপীর খেদ ।

উভাপিত মরু বক্ষু প্রচণ্ড তপনে ।  
 অনলের বৃষ্টি যেন হয় ক্ষণে ক্ষণে ॥  
 আভ্যন্তরিক তাপে আমার এমন ।  
 অবিরত সেই মত হয় জ্বালাতন ॥  
 প্রার্থনের ধরাসম নয়নের জল ।  
 না পারে বিষম তাপ করিতে শীতল ॥

অসহ যাতনা আর সহনীয় নয় ।  
 এ সময় রক্ষা কর ওহে দয়াময় ॥  
 বটে আমি অতি পাপী দোষের আধার ।  
 কিন্তু হই পুত্র তব ওহে বিশ্বসার ॥  
 দোষি পুত্রে পিতা করি অভয় প্রদান ।  
 ক্ষমেন যতেক পাপ হে দংশীমান ॥  
 ক্ষম মম পাপ প্রভো এই ভিক্ষা চাই ।  
 অনুতাপ প্রায়শ্চিত্ত করিতেছি তাই ॥ ১ ॥  
 নিবিড় গহনে শুনি বাশরীর স্বর ।  
 ধায়রে কুরঙ্গ শিশু আছ্লাদ অন্তর ॥  
 পরেতে নির্দিষ্ট স্থানে করিলে গমন ।  
 বধু তার প্রাণ ব্যাধ (সাক্ষাৎ শমন) ॥  
 তেমতি এ সংসারের দেখি প্রলোভন ।  
 হায়রে হয়েছে বদ্ধ হুরাচার মন ॥  
 অতুল আনন্দ পাবে করেছিলে আশ ।  
 দূরে গেল যত সুখ হলো সর্বনাশ ॥  
 প্রকাশিয়া মহা ক্রোধ নিষ্ঠুর শমন ।  
 আসিতেছে প্রাণ বায়ু করিতে হরণ ॥  
 মলাযুক্ত অন্তরেতে শমন নিকট ।  
 যাইবেরে পাই ভয় গণিয়া সঙ্কট ॥

এবে রক্ষা কর প্রভু অধর্ম তারণ।  
 দিয়া যত সৎপ্রতি নরৈর ভূষণ ॥ ২ ॥  
 হুখের যামিনী কি রে না হইবে ভোর।  
 রহিবে কি চিরকাল অন্ধকার ঘোর ॥  
 এ আঁখি কি না হেরিবে বিমল অন্তরে।  
 সুখরূপ রবেলোক স্বভাবের ঘরে ॥  
 সুচিন্তা সরোজ তাহে হইবে বিকাশ।  
 দয়া ধর্ম অনিলেতে বহিবেক বাস ॥  
 হায়রে। কি পোড়া মনে হবে আর সুখ।  
 ভাবিতে সে কথা সদা ফেটে যায় বুক ॥  
 মনের অসুখ হয় মনেতে বিলয়।  
 সে কষ্ট সহিতে নারে কোমল হৃদয় ॥  
 দেখা দিয়া এ কাতরে ওহে পরমেশ।  
 কর দূর মনের মালিন্য আর ক্লেশ ॥  
 তোমার প্রসন্ন মুখ হেরিলে নয়ন।  
 পাবে যে অসীম সুখ না হয় বর্জন ॥ ৩ ॥

### ভগবান্ শঙ্করাচার্য্য।

অন্ধকার গতে যথা কোমুদী প্রকাশে।  
 বিশ্বের মলিন দৃশ্য নিমিষে বিনাশে ॥  
 চার্বাক ও বৌদ্ধ ধর্মরূপ অন্ধকার।  
 তেমতি তব উদয়ে না রহিল আর ॥  
 কলিকালে দণ্ড ধরি ওহে যোগীবর।  
 প্রকাশিলে সত্য ধর্ম সর্ব রুচিকর ॥  
 বেদান্ত ও চতুর্বেদ করি অধ্যয়ন।  
 জগতের এক পতি নিত্য সনাতন ॥  
 এই মত চারি দিকে করিয়া প্রচার।  
 ভারতেতে পেলো খ্যাতি শিব অবতার ॥  
 স্বর্গ ধামে পুণ্য বলে হে যোগেশবর।  
 পেয়েছ আসন দিব্য দেবের ভিতর ॥  
 যত দিন রবিচন্দ্র রবে বর্তমান।  
 তত দিন তব কীর্তি রহিবে সমান ॥



## ঝড়বৃষ্টির পর।

কিবা স্থির কি সুন্দর সময় তখন।  
 প্রচণ্ড ঝড়িকা গতে করে আগমন ॥  
 চঞ্চল ভাবেতে বায়ু যবে নাহি বয়।  
 প্রোজ্জ্বল রবির তেজে মেঘ গত হয় ॥  
 স্থির ভাবে নিদ্রা যায় পৃথিবী সাগর।  
 শান্ত স্থির সর্ব দিক নহি অন্য ডর ॥  
 ধরিয়। দিবস খেন নব কলেবর ॥  
 উষাদেবী, অঙ্কদেশে শয়নে তৎপর ॥  
 কোমল কলিকাচয় ক্রুর প্রভঞ্জন।  
 তুলিয়া ফেলেছে কত না হয় গণন ॥  
 এবে ধীর সমীরণ প্রস্থনের বাস।  
 ছাড়ি দেন চারি দিকে স্মোরত বিকাশ ॥  
 ঘাসের উপর আর কুমুম কোরকে।  
 টোপা টোপা বৃষ্টিজল কিবা ঝক্ ঝকে ॥  
 পড়িলা প্রকৃতি দেবী হীরকের মালা।  
 দশদিক যে শোভায় হইল উজ্জ্বলা ॥  
 সমুদ্র তরঙ্গ উঠি ধীর সমীরণে।  
 প্রকাশিত হই কিবা শোভা অর্কের কিরণে ॥

হু হু কলকলে তরঙ্গ নিকর।  
 একে একে প্রবেশয় সাগর ভিতর ॥

## কাশীম বাজারের ধ্বংস।

এই কি সে স্থান যথা হর্ম্য সারি সারি।  
 পরিত সমান উচ্চ চৌদিকে বিস্তারি ॥  
 প্রবেশিতে নাহি দিত রবির কিরণ।  
 এই কি সে স্থান যথা সদা সর্বক্ষণ ॥  
 নানা জাতি লোকে ছিল নানা কর্মে রত ?  
 না জানিত দুঃখ কিবা আনন্দ সতত ॥  
 এই কি ছিল হে সেই সুখের আলয় ?  
 বাণিজ্যেতে যথা লোকে কাটাতো সময় ॥  
 এবে কোথা হায় সেই রম্য নিকেতন।  
 সোণার অলকাপুরী কুবের ভবন ॥  
 গৃহ, দ্বার জীর্ণ হয়ে ভূমিতলে পড়ি।  
 স্তূপে স্তূপে স্থানে স্থানে যায় গড়া গড়ি ॥  
 মহমা যাইলে তথা উপজয় ভয়।  
 দিবা নিশি ভ্রমিতেছে শ্বাপদ নিউয় ॥